

(Глас 1) со ст. 7

## Богородичен

Се исполнися Исанино проречение, / Дева бо родила еси, /  
и по рождестве яко прежде рождества пребыла еси: / Бог  
бо ве рождейся, / темже и естества новопресече. / Но, о  
Богомати, / моления Твоих рабов, / в Твоем храме приноси-  
мая Тебе, не презри, / но яко Благоутробнаго Твоима рукама  
носящи, / на Твоя рабы умилосердися, //и моли спастися  
душам нашим.

(Глас 2) со ст. 24

## Богородичен

О чудесе новаго всех древних чудес! / Кто бо позна мать  
без мужа рождшую, / и на руку носящую всю тварь содер-  
жащаго; / Божие есть изволение, Рождшееся. / Егоже яко  
Младенца, Пречистая, Твоима рукама носившая, / и мате-  
рне дерзновение к Немү имущая, / не престай молящи о  
чтущих Тя, // ущедрити и спасти души наша.

(Глас 3) со ст. 41

## Богородичен

Без семени от Божественнаго Духа, / волею же Отчею  
зачала еси Сына Божия, / от Отца без матери прежде век  
суща: / нас же ради из Тебе без отца бывша, / плотию родила  
еси, / и Младенца млеко питала еси. / Темже не престай  
молити, // избавитися от бед душам нашим.

# Глас 1

## ТРОПАРИ

### Воздвижения Креста Господня

Спаси, Господи, люди Твоя / и благослови достояние Твое, / победы православным христианом на сопротивныя даруя / и Твое сохраняя // Крестом Твоим жителство.

### Обрезания Господня

На престоле огнезрачнем / в вышних седяй со Отцем Безначальным и Божественным Твоим Духом, / благоволил еси родитися на земли / от Отроковицы неискусомужныя, Твоея Матере, Иисусе: / сего ради и обрезан был еси, яко человек осмодневный. / Слава всеблагому Твоему совету, / слава смотрению Твоему: // слава снисхождению Твоему, едине Человеколюбче.

### Богоявления

Во Иордане крещающуся Тебе, Господи, / Троицкое явися поклонение: / Родителей во глас свидетельствоваше Тебе, / возлюбленнаго Тя Сына именуя, / и Дух, в виде голубине, / извествоваше словесе утверждение. / Явлейся, Христе Боже, // и мир просвещей, слава Тебе.

### Сретения Господня

Радуйся, Благодатная Богородице Дево, / из Тебе во возсия Солнце правды, Христос Бог наш, / просвещаяй сущия во тьме. / Веселися и ты, старче праведный, / приемый во объятия Свободителя душ наших, // дарующаго нам воскресение.

## Недели вай

Общее воскресение / прежде Твоея страсти уверяя, / из мертвых воздвигл еси Лазаря, Христе Боже. / Темже и мы, яко отроцы, победы знамения носяще, / Тебе победителю смерти вопием: // осанна в вышних, благословен Грядый во имя Господне.

### Успения Божией Матери

В рождестве девство сохранила еси, / во успении мира не оставила еси, Богородице, / преставилася еси к животу, Мати сущи Живота, // и молитвами Твоими избавляеши от смерти души наша.

### Общий преподобнаго

Пустынный житель, и в телеси ангел, / и чудотворец явился еси, богоносне отче наш (имя): / постом, бдением, молитвою небесная дарования прием, / исцеляеши недужныя и души верою притекающих ти. / Слава Давшему тебе крепость, / слава Венчавшему тя, // слава Действующему тобою всем исцеления.

## КОНДАКИ

### Воскрёсен

Воскресл еси яко Бог из гроба во славе, / и мир совоскресил еси, / и естество человеческое яко Бога воспеваеТя, / и смерть исчезе; / Адам же ликует, Владыко, / Ева ныне от уз избавляема радуется, зовущи: / Ты еси, Иже всем подае, // Христе, воскресение.

### Сретения Господня

Утробу Девичу освятивый рождеством Твоим, / и рuce Симеоне благословивый, якоже подобаше, / предварив, и ныне спасл еси нас, Христе Боже; / но умири во бранех жителство, / и укрепи люди, нуже возлюбил еси, // едине Человеколюбче.

## Глас 2

### ТРОПАРИ

#### Нерукотвореннаго Образа

Пречистому образу Твоему поклоняемся, Благий, / просяще прощения прегрешений наших, Христе Боже: / волею бо благоволил еси плотию взыти на крест, / да избавиши, яже создал еси, от работы вражия. / Тем благодарственно вопием Ти: / радости исполнил еси вся, Спасе наш, // пришедый спасти мир.

#### Үсекновения главы Иоанна Предтечи

Память праведнаго с похвалами, / тебе же довлеет свидетельство Господне, Предтече: / показал бо ся еси воистинну и пророков честнейший, / яко и в струях крестити сподобился еси Проповеданнаго. / Темже за истину пострадав, радуяся, / благовестил еси и сущим во аде Бога явльшагося плотию, / вземлющаго грех мира // и подающаго нам велию милость.

#### Святаго апостола и евангелиста Иоанна Богослова

Апостоле, Христу Богу возлюбленне, / ускори избавити люди безответны; / приемлет тя припадающа / Иже падша на перси приемый, / Егоже моли, Богослове, / илежащую мглу языков разгнати, // прося нам мира и велия милости.

#### Недели святых жен-мироносиц

Мироносицам женам при гробе представ Ангел, вопияше: / мира мертвым суть прилична, / Христос же истления явися чуждь. / Но возопийте: воскресе Господь, // подай миру велию милость.

#### Общий пророка

Пророка Твоего (имя) память, Господи, празднующе, / тем Тя молим, // спаси души наша.

## ОБЩИЙ СВЯТЫХ

Апостоли, мученицы и пророцы, / святителие, преподобнии и праведнии, / добре подвиг совершившии и веру соблюдшии, / дерзновение имуще ко Спасу, / о нас Того, яко Блага, молитє // спастися, молимся, душам нашим.

## КОНДАКИ

### Воскрёсен

Воскресл еси от гроба, Всесильне Спасе, / и ад, видев чудо, ужасеся, / и мертвии восташа; / тварь же видящи срадуется Тебе, / и Адам свеселится, // и мир, Спасе мой, воспеваєт Тя присно.

### Успения Божией Матери

В молитвах неусыпающую Богородицу / и в предстательствах непреложное упование, / гроб и умерщвление не удержаста: / якоже во Живота Матерь / к животу представи // во утробу Вселивыйся приснодевственную.

### Небесных Сил Безплотных

Архистратизи Божии, / служителие Божественныя славы, / Ангелов начальницы и человеков наставницы, / полезное нам просите и велию милость, // яко Безплотных Архистратизи.

### Святыа апостолов Петра и Павла

Твердыя и боговещанныя проповедатели, / верх апостолов Твоих, Господи, / приял еси в наслаждение благих Твоих и покой: / болезни бо онех и смерть приял еси паче всякаго всеплодия, // едине свёдый сердечная.

Преблагословенна еси, Богородице Дево, / Воплощшим бо ся из Тебе ад пленися, / Адам воззвася, клятва потребися, Ева свободися, / смерть умертвися, и мы ожихом. / Тем воспевающе вопием: // благословен Христос Бог, благоволивый тако, слава Тебе.

## Глас 3

### ТРОПАРИ

#### Общий апостола

Апостоле святыи (имя), / моли Милостиваго Бога, / да прегрешений оставление // подаст душам нашим.

#### Благомученика Пантелеимона

Стратотерпче святыи и целебниче Пантелеимоне, / моли Милостиваго Бога, / да прегрешений оставление // подаст душам нашим.

### КОНДАКИ

#### Воскресен

Воскресл еси днесь из гроба, Щедре, / и нас возвел еси от врат смертых; / днесь Адам ликует и радуется Ева, / вкупе же и пророцы с патриархи воспевают непрестанно // Божественную державу власти Твоея.

#### Рождества Христова

Дева днесь Пресущественнаго раждает, / и земля вертеп Неприступному приносит, / Ангели с пастырьми славословят, / волсви же со звездою путешествуют; // нас бо ради родися Отроча младо, Превечный Бог.

#### Обрезания Господня

Всех Господь обрезание терпит, / и человеческая прегрешения, яко Благ, обрезует: / дает спасение днесь миру; / радуется же в вышних и Создатель иерарх // и светоносный, Божественный таинник Христов Василий.

## Покрова Божией Матери

Дева днесь предстонт в церкви / и с лики святых невидимо  
за ны молится Богу: / Ангели со архиереи покланяются, /  
апостоли же со пророки ликовствуют: // нас бо ради молит Бо-  
городица Превечнаго Бога.

## Святителя Николая Чудотворца

В Мирех, святе, священнодействие показался еси: /  
Христово бо, преподобне, Евангелие исполнив, / положил еси  
душу твою о людех твоих / и спас еси неповинныя от  
смерти, // сего ради освятился еси, яко великий таинник Бо-  
жия благодати.

Взыде, яко звезда, от востока до запада / твоя мощи, свя-  
тителю Николае, / море же освятится шествием твоим / и  
град Барский приемлет тобою благодать: // нас бо деля явил-  
ся еси чудотворец изящный, предивный и милостивый.

(Глас 4) со ст. 58

### Богородичен

Призри на моления Твоих раб, Всенепорочная, / утворящи  
лютая на ны востания, / всякия скорби нас изменяющи; / Тя  
во едину твердое и известное утверждение и мамы, / и Твое  
предстательство стяжахом, / да не постыдимся, Владычице,  
Тя призывающи, / потщися на умоление Тебе верно во-  
пиющих: / радуйся, Владычице, всех помощи, / радости и  
покроуе, // и спасение душ наших.

(Глас 5) со ст. 77

### Богородичен

Храм и дверь еси, / палата и престол Царев, / Дево  
всечестная, / Юже Избавитель мой, / Христос Господь,  
во тьме спящим явися, / Солнце сый правды, / просветити  
хотя, яже созда по образу Своему рукою Своею. / Темже,  
Всепетая, / яко матерне дерзновение к Немю стяжавшая, //  
непрестанно моли спастися душам нашим.

(Глас 6) со ст. 94

### Богородичен

Творец и Избавитель мой, Пречистая, / Христос Господь /  
из Твоих ложеиш прошед, / в мя оболкийся, / первая клятвы  
Адама свободи. / Темже Ти, Всечистая, / яко Божии Матери  
же и Деве воистинну, / вопием немолчно: / радуйся ангельски,  
радуйся, Владычице, / предстательство и кроуе, // и спасе-  
ние душ наших.



## Глас 4

### ТРОПАРИ

Богородице Дево, радуйся, / Благодатная Марие, Господь с Тобою; / благословена Ты в женах / и благословен Плод чрева Твоего, // яко Спаса родила еси душ наших.

#### Рождества Христова

Рождество Твое, Христе Боже наш, / возсия миру свет разума / в нем бо звездам служащий / звездою учахуся / Тебе кланяться, Солнцу правды, / и Тебе ведети с высоты Востока; // Господи, слава Тебе.

#### Вознесения Господня

Вознеслся еси во славе, Христе Боже наш, / радость со-творивый учеником / обетованием Святаго Духа, / извещенным им бывшим благословением, // яко Ты еси Сын Божий, Избавитель мира.

#### Рождества Божией Матери

Рождество Твое, Богородице Дево, / радость возвести всей вселенной: / из Тебе бо возсия Солнце правды Христос Бог наш, / и разрушив клятву, даде благословение, // и упразднив смерть, дарова нам живот вечный.

#### Введения во храм Пресвятой Богородицы

Днесь благоволения Божия предображение / и человеков спасения проповедание, / в храме Божии ясно Дева является / и Христа всем предвозвещает, / Той и мы велегласно возопим: / радуйся, // смотрения Зиждителя исполнения.

## Благовещения Пресвятой Богородицы

Днесь спасения нашего главизна / и еже от века таинства  
явление: / Сын Божий Сын Девы бывает, / и Гавриил благо-  
дать благовествует. / Темже и мы с ним Богородице возо-  
пим: / радуйся, Благодатная, // Господь с Тобою.

## Покрова Пресвятой Богородицы

Днесь, благовернии людие, светло празднуем, / осеняеми  
Твоим, Богомати, пришествием, / и, к Твоему взирающе  
Пречистому образу, умилно глаголем: / покрый нас честным  
Твоим Покровом / и избави нас от всякаго зла, / молящи  
Сына Твоего, Христа Бога нашего, // спасти души наша.

## Небесных Сил Безплотных

Небесных воинств Архистратизи, / молим вас присно мы  
недостойнии: / да вашими молитвами оградите нас / кровом  
крил невещественная ваша славы, / сохраняюще ны припа-  
дающия прилежно и вопиющия: / от бед избавите ны, // яко  
чиноначальницы вышних сил.

## Святителя Николая

Правило веры и образ кротости, / воздержания учителя /  
яви ты стаду твоему, / яже вещей истина. / Сего ради стя-  
жал еси смиреніем высокая, / нищетою богатая: / отче свя-  
щенноначальниче Никóлае, / моли Христа Бога // спастися  
душам нашим.

Приспе день светлаго торжества, / град Барский  
радуется, / и с ним вселенная вся ликовствует / песньми и  
пеньми духовными: / днесь бо священное торжество, / в  
пренесение честных и многоцелебных мощей / святителя и  
чудотворца Николая, / якоже солнце незаходимое возсия све-  
тозарными лучами, / разгоняя тьму искушений же и бед от  
вопиющих верно: / спасай нас, яко предстатель наш, // вели-  
кий Никóлае.

## Святаго благовернаго князя Александра Невского

Познай свою братию, российский Иосифе, / не в Египте, но  
на Небеси царствующий, / благоверный княже Александре, /  
и прими моления их, / умножая жита людям плодоносием  
земли твоея, / грады владычества твоего ограждая моле-  
нием // и православным людям на сопротивныя споборствуя.

## Преподобнаго Сергия

Иже добродетелей подвижник, / яко истинный воин  
Христа Бога, / на страсти вельми подвизался еси в жизни  
временней, / в пениих, бдениих же и пощениих образ быв тво-  
им учеником: / темже и вселися в тя Пресвятыи Дух, / Егоже  
действием светло украшен еси. / Но яко имея дерзновение ко  
Святей Троице, / поминай стадо, еже собрал еси, мудре, / и не  
забуди, якоже обещался еси, / посещая чад твоих, // Сергие  
преподобне отче наш.

## Общий мученика

Мученик Твой, Господи, (имя) / во страдании своем ве-  
нец прият нетленный от Тебе, Бога нашего; / имеяй во  
крепость Твою, / мучителей низложи, / сокруши и демонов  
немощныя дерзости. / Того молитвами // спаси души наша.

## Общий мученицы

Агница Твоя, Исусе, (имя) / зовет великим гласом: / Те-  
бе, Женише мой, люблю, / и Тебе ищущи страдальчествою, /  
и распинаюся, и спогребаюся крещению Твоему, / и страдаю  
Тебе ради, / яко да царствую в Тебе, и умираю за Тя, да и  
живу с Тобою; / но яко жертву непорочную прими мя, с любо-  
вию пожершюся Тебе. // Тоя молитвами, яко Милостив,  
спаси души наша.

## Общий священномученика

И нравом причастник, / и престолом наместник апостолом  
 быв, / деяние обрел еси, богодухновенне, / в видения восход: /  
 сего ради, слово истины исправляя, / и веры ради пострадал  
 еси даже до крове, / священномучениче, (имя). / Моли Христа  
 Бога // спастися душам нашим.

## КОНДАКИ

### Воскрёсен

Спас и Избáвитель мой / из гроба, яко Бог, воскреси от үз  
 земнородныя, / и врата адова сокруши, / и, яко Владыка, //  
 воскресе тридневен.

### Введения во храм Пресвятой Богородицы

Пречистый храм Спасов, / многоценный чертог и Дева, /  
 священное сокровище славы Божия, / днесь вводится в дом  
 Господень, благодать совводящи, / яже в Дүсе Божест-  
 венном, / юже воспевают Ангели Божии: // Сия есть селение  
 небесное.

### Воздвижения Креста Господня

Вознесыйся на Крест волею, / тезоименитому Твоему но-  
 вому жителству / щедроты Твоя даруй, Христе Боже, / воз-  
 весели нас силою Твоею, / победы дая нам на сопостаты, /  
 посobie имущим Твое, оружье мира, // непобедимую победу.

## Глас 5

### ТРОПАРИ

воскрѣсны по непорочных

1) Благословен еси, Господи, / научи мя оправданием Твоим.

Ангельский собор удивися, / зря Тебе в мертвых вменив-  
шася, / смертную же, Спасе, крепость разоривша, / и с Собою  
Адама воздвигша, // и от ада вся свободяща.

2) Благословен еси, Господи, / научи мя оправданием Твоим.

Почто мира с милостивными слезами, / о ученицы, раство-  
ряете? / Блистаясь во гробе Ангел / мироносицам вещаше: /  
видите вы гроб и уразумеите, // Спас бо воскресе от гроба.

3) Благословен еси, Господи, / научи мя оправданием Твоим.

Зело рано мироносицы течаху / ко гробу Твоему рыда-  
юща, / но предста к ним Ангел, и рече: / рыдания время  
преста, не плачите, // воскресение же апостолом рцыте.

4) Благословен еси, Господи, / научи мя оправданием Твоим.

Мироносицы жены, с мира пришедша / ко гробу Твоему,  
Спасе, рыдаху, / Ангел же к ним рече, глаголя: / что с мертвы-  
ми Живаго помышляете? // Яко Бог бо воскресе от гроба.

Слава Отцу и Сыну и Святому Духу.

Поклонимся Отцу, / и Его Сынови, и Святому Духу, / Свя-  
тей Троице во едином существе, / с Серафимы зовуще: //  
Свят, Свят, Свят еси, Господи.

И ныне и присно и во веки веков. Аминь.

Жизнодавца рождши, / греха, Дево, Адама избавила еси, /  
радость же Бже в печали место подала еси: / падшия же от  
жизни / к сей направи, // из Тебе воплотивыйся Бог и Чело-  
век.

Аллилуия, аллилуия, аллилуия, слава Тебе, Боже.  
(Трижды)

## ТРОПАРИ

### Иконы Божией Матери «Утоли моя печали»

Утоли болезни / многовоздыхающия души моя, / утолившая всяку слезу от лица земли, / Ты бо человеком болезни отгониши / и грешных скорби разрушаеши, / Тебе бо вси стяжахом надежду и утверждение, // Пресвятая Мати Дево.

### Почаевской иконы Божией Матери

Пред святою Твоею иконою, Владычице, / молящися исцелений сподобляются, / веры истинныя познание приемлют, / и агарянская нашествия отражают. / Темже и нам, к Тебе припадающим, / грехов оставление испроси, / помыслы благочестия сердца наша просвети, / и к Сыну Твоему молитву вознеси // о спасении душ наших.

### Святых мучеников и исповедников

#### Гүрия, Самона и Авива

Чүдеса святых Твоих мученик, / стѣну неоворимую нам даровавый, Христе Боже, / тех молитвами советы языков разори, // яко един Благ и Человеколюбец.

## КОНДАКИ

### Воскрѣсен

Ко адү, Спасе мой, сошел еси, / и врата сокрушивый яко Всесилен, / үмерших яко Создатель совоскресил еси, / и смерти жало сокрушил еси, / и Адам от клятвы избавлен бысть, Человеколюбче; // темже вси зовем: // спаси нас, Господи.

## Глас 6

Царю Небесный, / Утешителю, Душе истины, / Иже везде  
сый / и вся исполняяй, / Сокровище благих / и жизни Пода-  
телю, / прииди и вселися в ны, / и очисти ны от всякия  
скверны, // и спаси, Блаже, души наша.

### КОНДАКИ

#### Воскресен

Живонаначальною дланию / умершия от мрачных удоблий/  
Жизнодавец воскресив всех Христос Бог, / воскресение  
подаде человеческому роду: / есть во всех Спаситель, //  
Воскресение, и Живот, и Бог всех.

#### Недели вайи

На престоле на небеси, / на жревяти на земли носимый,  
Христе Боже, / Ангелов хваление, и детей воспевание приял  
еси, зовущих Ти: // Благословен еси, Грядый Адама воз-  
звати.

#### Вознесения Господня

Еже о нас исполнив смотрение, / и яже на земли соединив  
небесным, / вознеслся еси во славе, Христе Боже наш, / ника-  
коже отлучаяся, / но пребывая неотступный, / и вопия любя-  
щим Тя: // Аз есмь с вами и никтоже на вы.

#### Общий Богородицы

Предстательство христиан непостыдное, / ходатайство  
ко Творцу непреложное, / не презри грешных молений гласы, /  
но предвари, яко Благая, на помощь нас, / верно зовущих Ти; /  
ускори на молитву, и потщися на умоление, // предста-  
тельствующи присно, Богородице, чтущих Тя.

(Глас 7) со ст. 110

### Богородичен

Под кров Твой, Владычице, / вси земнороднии прибе-  
гающе, вопием Ти: / Богородице, упование наше, / избави ны  
от безмерных прегрешений, // и спаси души наша.

(Глас 8) со ст. 126

### Богородичен

Безвестная Дево, / Яже Бога неизреченно зачещи  
плотню, / Мати Бога Вышняго, / Твоих рабов мольбы  
прими, Всенепорочная, / всем подающи очищение прегре-  
шений: / ныне наша моления приемлющи, // моли спастися  
всем нам.



## Глас 7

### ТРОПАРИ

#### Преображения Господня

Преобразился еси на горе, Христе Боже, / показавый  
учеником Твоим славу Твою, / якоже можаху: / да возсияет  
и нам, грешным, / Свет Твой присносущный / молитвами  
Богородицы, // Светодавче, слава Тебе.

#### Недели Антипасхи

Запечатану гробу, / Живот от гроба возсиял еси, Христе  
Боже, / и дверем заключенным, / учеником предстал еси, /  
всех Воскресение; / дух правый теми обновляя нам // по вели-  
цей Твоей милости.

### КОНДАКИ

#### Воскрёсен

Не кому держава смертная возможет держати  
человеки: / Христос бо сице сокрушая и разоряя силы ея; /  
связуем бывает ад, пророцы согласно радуются, / предста,  
глаголюще, Спас сущим в вере: // изыдите, вернии, в  
воскресение.

#### Преображения Господня

На горе преобразился еси / и, якоже вмещаху ученицы  
Твои, / славу Твою, Христе Боже, видеша; / да егда Тя узрят  
распинаема, / страдание убо уразумеют вольное, / мирови же  
проповедят, // яко Ты еси воистинну Отчее сияние.

## Глас 8

### ТРОПАРИ

#### Пятидесятницы

Благословен еси, Христе Боже наш, / Иже премудры ловцы явлей, / низпослав им Духа Святаго, / и теми уловлей вселенную. // Человеколюбче, слава Тебе.

Достойно есть, яко воистинну / блажити Тя, Богородицу, / Присноблаженную и Пренепорочную / и Матерь Бога нашего. / Честнейшую Херувим / и славнейшую без сравнения Серафим, / без истления Бога Слова рождшую, // сущую Богородицу Тя величаем.

#### Преподобнаго Сергия

От юности восприял еси Христа в души твоей, преподобне, / и паче всего возделал еси мирскаго мятѣжа уклонитися: / мужески в пустыню вселился еси, / и чада послушания в ней, плоды смирения возрастил еси. / Тем быв Троице вселение, / чудесы твоими всех просветил еси приходящих к тебе верою, / и исцеления всем подавая обильно. // Отче наш Сергие, моли Христа Бога, да спасет души наша.

#### Общий преподобнаго

В тебе, отче, известно спасется еже по образу: / прием во крест, последовал еси Христу, / и дея учил еси презиратиamboambo плоть: преходит бо. / Прилежати же о души, вещи бессмертней. // Темже и со Ангелы срадуется, преподобне (имя), дух твой.

Слез твоих теченьми пустыни бесплодное возделал еси, / и иже из глубины воздыханьми во сто трудов у плодоносил еси, / и был еси светильник вселенней, / сияя чудесы, (имя), отче наш, // моли Христа Бога спастися душам нашим.

## КОНДАКИ

### Воскрёсен

Воскрес из гроба, умершия воздвигл еси, / и Адама воскресил еси, и Ева ликует во Твоем воскресении, / и мирстни концы торжествуют // еже из мертвых восстанием Твоим, Многомилостиве.

### Пятидесятницы

Егда снизшед языки сняя, / разделяше языки Вышний; / егда же огненные языки раздаяше, / в соединение вся призва, // и согласно славим Всесвятаго Духа.

### Благовещения

Взбранной Воеводе победительная, / яко избавльшеся от злых, / благодарственная восписуем Ти, раби Твои, Богородице; / но яко имущая державу непобедимую, / от всяких нас бед свободи, да зовем Ти: // радуйся, Невесто Неневестная.

Сподоби, Господи, в вечер сей без греха сохранитися нам. / Благословен еси, Господи, Боже Отец наших, / и хвально и прославлено имя Твое во веки. Аминь. / Буди, Господи, милость Твоя на нас, якоже уповахом на Тя. / Благословен еси, Господи, научи мя оправданием Твоим. / Благословен еси, Владыко, вразуми мя оправданием Твоим. / Благословен еси, Святыи, просвети мя оправданием Твоим. / Господи, милость Твоя во век, дел руку Твоею не презри. / Тебе подобает хвала, Тебе подобает пение, / Тебе слава подобает, Отцу и Сыну и Святому Духу, // ныне и присно, и во веки веков, аминь.